



Drejtori i Përgjithshëm i Autoritetit të Aviacionit Civil të Republikës së Kosovës,

Mbështetur në nenet 3.5 pika (i), 15.1 pika (a), (d), 21.2, 44, 46, 47, 49, 55, 56 dhe 66 të Ligjit Nr. 03/L-051 për Aviacionin Civil ("Gazeta Zyrtare e Republikës së Kosovës", Viti III, Nr. 28, datë 4 qershor 2008),

Duke marrë parasysh,

Obligimet ndërkombëtare të Republikës së Kosovës në lidhje me Marrëveshjen Shumëpalëshe për Themelimin e Hapësirës së Përbashkët Evropiane të Aviacionit (me tutje referuar si "Marrëveshja për HPEA") që nga hyrja e saj e përkohshme në fuqi për Kosovën më 10 tetor 2006,

Rregulloren e AAC-së Nr. 3/2009 të datës 30 tetor 2009, e cila zbaton në rendin e brendshëm juridik të Republikës së Kosovës Rregulloren (EC) Nr. 216/2008 të Parlamentit Evropian dhe Këshillit, të datës 20 shkurt 2008 për rregullat e përbashkëta në fushën e aviacionit civil dhe për themelimin e Agjencisë Evropiane për Sigurinë në Aviacion,

Rregulloren e AAC-së Nr. 5/2009 të datës 5 nëntor 2009, e cila zbaton në rendin e brendshëm juridik të Republikës së Kosovës Rregulloren e Komisionit (EC) Nr. 2042/2003, të datës 20 nëntor 2003, për vlefshmërinë ajrore të vazhdueshme të mjeteve ajrore dhe prodhimeve, pjesëve dhe pajisjeve aeronautike, si dhe për aprovimin e organizatave dhe personelit të përfshirë në këto detyra,

Me qëllim të implementimit të Rregullores së Komisionit (EU) Nr. 1321/2014, të datës 26 nëntor 2014, për vlefshmërinë ajrore të vazhdueshme të mjeteve ajrore dhe prodhimeve, pjesëve dhe pajisjeve aeronautike, si dhe për aprovimin e organizatave dhe personelit të përfshirë në këto detyra, e cila shfuqizon Rregulloren e Komisionit (EC) Nr. 2042/2003, në rendin e brendshëm juridik të Republikës së Kosovës,

Pas përfundimit të procesit të konsultimit publik me të gjitha palët e interesuara, në pajtim me Udhëzimin Administrativ Nr. 01/2012 për procedurat e konsultimit publik të palëve të interesuara,

Nxjerr këtë:

**RREGULLORE Nr. 7/2015**  
**PËR VLEFSHMËRINË AJRORE TË VAZHUESHME TË MJETEVE AJRORE DHE**  
**PRODHIMEVE, PJESËVE DHE PAJISJEVE AERONAUTIKE, SI DHE PËR**

# APROVIMIN E ORGANIZATAVE DHE PERSONELIT TË PËRFSHIRË NË KËTO DETYRA

## Neni 1

1.1 Kjo Rregullore përcakton kërkesat e përbashkëta teknike dhe procedurat administrative për sigurimin e vlefshmërisë ajrore të vazhdueshme të mjeteve ajrore, duke përfshirë të gjithë komponentët për instalim në to, të cilat janë:

- a) të regjistruara në Republikën e Kosovës; ose
- b) të regjistruara në një vend të tretë dhe përdoren nga operatori për të cilin Republika e Kosovës siguron mbikëqyrjen e operimeve.

1.2 Paragrafi 1 nuk aplikohet për mjetet ajrore, për të cilat mbikëqyrja rregullatore e sigurisë është transferuar në një vend të tretë dhe të cilat nuk përdoren nga operatori i BE-së, ose për mjetet ajrore të referuara në Aneksin II të Rregullores (EC) Nr. 216/2008.

1.3 Dispozitat e kësaj Rregulloreje në lidhje me transportin ajror komercial janë të aplikueshme për transportuesit ajrorë të licencuar siç është definuar me të drejtën e BE-së.

## Neni 2

2.1 Rregullorja e Komisionit (EU) Nr. 1321/2014, e datës 26 nëntor 2014, për vlefshmërinë ajrore të vazhdueshme të mjeteve ajrore dhe prodhimeve, pjesëve dhe pajisjeve aeronautike, si dhe për aprovimin e organizatave dhe personelit të përfshirë në këto detyra, e referuar më tutje si "Rregullorja e Komisionit", shpallet e aplikueshme në Republikën e Kosovës. Rregullorja e Komisionit i është bashkëngjitur kësaj Rregulloreje si shtojcë dhe formon pjesën e saj përbërëse.

2.2 Çdo dispozitë e amendamenteve të ardhshme të Rregullores së Komisionit, pasi të bëhet pjesë e Shtojcës I ose II të Marrëveshjes për HPEA, do të jetë e aplikueshme drejtpërsëdrejti në Republikën e Kosovës.

## Neni 3

3.1 Kuptimi i shprehjeve dhe definicioneve të përdorura në këtë Rregullore janë të përfshira në Nenin 2 të Rregullores së Komisionit.

3.2 Pavarësisht nga paragrafi 1, termet "Komuniteti", "Ligji i Komunitetit", "Legjislacioni i Komunitetit", "Instrumentet e Komunitetit", "Traktati i KE", "Aeroport i Komunitetit", "Gazeta Zyrtare e Komuniteteve Evropiane", "Gazeta Zyrtare e Bashkimit Evropian", "Transportues Ajror i Komunitetit" dhe "Shtet(e) Anëtar(e)", nëse referohen drejtpërdrejt ose tërthorazi në Rregulloren e Komisionit, duhet të lexohen në përputhje me Pikat 2 dhe 3 të Shtojcës II të Marrëveshjes për HPEA.

3.3 Për qëllim të kësaj Rregulloreje, shprehja “autoriteti kompetent”, siç është e referuar në Rregulloren e Komisionit, për organizata të cilat veprimtarinë kryesore të biznesit e kanë në Republikën e Kosovës, do të nënkuptojë Autoritetin e Aviacionit Civil të Republikës së Kosovës; ose “Agjencinë Evropiane për Sigurinë në Aviacion” (më tutje e referuar si “Agjencia”) nëse kjo kërkohet nga Republika e Kosovës.

#### **Neni 4**

4.1 Mënyrat e Pranueshme të Përputhshmërisë (AMC) dhe Materialet Udhëzuese (GM) të përcaktuara me Vendimet e Drejtorit Ekzekutiv të Agjencisë Nr. Vendimi DE 2003/019/RM i datës 28 nëntor 2003; duke përfshirë rishikimet e Mënyrave të Pranueshme të Përputhshmërisë dhe Materialeve Udhëzuese për Pjesën-M; Pjesën-145; Pjesën-66 dhe Pjesën-147, siç mund të ndryshohet, do të aplikohen.

4.2 Mënyrat e Pranueshme të Përputhshmërisë (AMC) dhe Materialet Udhëzuese (GM) të referuara në paragrafin 1 janë të publikuara në faqen e internetit të Agjencisë.

#### **Neni 5**

Në rast të interpretimit të Rregullores së Komisionit do të përdoret versioni origjinal në gjuhën angleze siç është i publikuar në Gazetën Zyrtare të Bashkimit Evropian.

#### **Neni 6**

Kjo Rregullore shfuqizon Rregulloren e AAC-së Nr. 5/2009 mbi vlefshmërinë ajrore të vazhdueshme të aeroplanëve dhe prodhimeve aeronautike, pjesëve dhe pajisjeve, si dhe për aprovimin e organizatave dhe personelit të përfshirë në këto detyra, të datës 5 nëntor 2009.

#### **Neni 7**

Kjo Rregullore hyn në fuqi pesëmbëdhjetë (15) ditë pas nënshkrimit.

Prishtinë, 8 korrik 2015.

**Dritan Gjonbalaj**  
Drejtore i Përgjithshëm